

10 IUNIE
RUGACIUNEA 2
SF. IERARH
IOAN MAXIMOVICI
AL TOBOLSKULUI
SI INTREGII SIBERII

Молитва

О, пастырю добрый, святителю отче наш Иоанне, праведный путь жития Твоего приведи Тя к вечному Солнцу правды. Ты бо всею душею взыскал еси Бога, возлюбил Его паче сей благовременной жизни. Мы же удалихомся Божия благостыни, ходяще по злой своей воле, возлюбихом суетная наслаждения, вознерадехом о спасении душ наших, затворихом сердце для слышания слова Божественнаго и отвергохомся братолюбия.

О благостный святителю Иоанне! Не попусти нам погибнути в тине грехов наших, но вознеси о нас моление ко Господу, да помилует нас и дарует нам покаяние, да не поглотит нас бездна лихоимства, злобы и измены, да умолкнет междуусобная брань, да избавится земля наша

гладу и всякаго гнева Божия, да воцарится мир среди мира земнаго.

Услыши нас грешных, Святче Божий, яви нам чудное заступление Твое, посети нас сирых, нищих, бедствующих и заблудших овец Твоего стада: недуги наша исцели, укрепи силы к терпеливому несению креста жизни, внемли стенанию страждущих, рыданию одиноких, призри на слезы немощных и печальных. Мы болезнуем душою и изнемогаем сердцем; молися, поборниче истины, да возвратятся отпадшия в лоно Церкви Христовой, да славится имя Божие в нас, да царствует правда и любовь в земли нашей и мир Христа Бога нашего да сподобимся прияти, радость же о Господе да возсияет в сердцах наших и благословим Пречестное и Великолепое Имя Единосущныя и Нераздельныя Троицы Отца и Сына и Святаго Духа во веки веков. Аминь.